



Concello de Lourenz

D. MARA BEGOA GONZLEZ PEDREGAL, SECRETARIA-INTERVENTORA DO CONCELLO DE LOURENZ, PROVINCIA DE LUGO.

CERTIFICO:

Que o Pleno do concello na sesin ordinaria celebrada o da DEZAOITO DE MARZO DO DOUS MIL VINTE E UN, adoptou, entre outros, o acordo que copiado literalmente do borrador da acta,  do seguinte tenor:

A) PARTE RESOLUTIVA

NUM.010.-MOCIN DA COORDINADORA GALEGA POR UN REPARTO XUSTO DOS FONDOS EUROPEOS PARA INSTAR AO PARLAMENTO DE GALICIA E AO GOBERNO GALEGO A MANTER E AMPLIAR AS GARANTAS LEXISLATIVAS AMBIENTAIS, A TRANSPARENCIA E O ACCESO  DOCUMENTACIN PBLICA DAS INICIATIVAS EMPRESARIAIS GALEGAS.

Neste punto, deuse conta da Mocin da Coordinadora Galega por un reparto xusto dos Fondos Europeos, e que neste concello foi presentada polo Sindicato Labrego Galego, o da 19/02/2021 , sendo rexistrada de entrada con nm.61 e na que se solicita que se adopte acordo para instar ao Parlamento de Galicia e ao Goberno Galego a manter e ampliar as garantas legislativas ambientais, a transparencia e o a acceso  documentacin pblica das iniciativas empresariais galegas.

Advertndose polos dous voceiros da oposicin que o texto da mocin no constaba na documentacin da convocatoria, este foi lido integramente polo Sr. Arango Ron, voceiro do equipo de goberno , e unha vez lido e concido o seu contido, o Sr. Rodrguez Rocha, voceiro do B.N.G., indicou que o texto estaba moito coa lina do seu partido e que votaran a favor, as pois, sometida a Mocin a votacin, o Pleno, en votacin ordinaria e con oito votos a favor, seis do P. S.de G.-P.S.O.E. e dous do BNG e dous en contra, do Partido Popular, adoptou o seguinte acordo:

PRIMEIRO.-Aprobar a Mocin da Coordinadora Galega por un reparto xusto dos Fondos Europeos arriba referenciada, sendo o seu contido literal o que segue:

“MOCIN PARA INSTAR AO PARLAMENTO DE GALICIA E AO GOBERNO GALEGO A MANTER E AMPLIAR AS GARANTAS LEXISLATIVAS AMBIENTAIS, A TRANSPARENCIA E O ACCESO  DOCUMENTACIN PBLICA DAS INICIATIVAS EMPRESARIAIS GALEGAS.

Ao abeiro do regulamento orgnico municipal presntase a seguinte mocin para o seu debate no Pleno.

EXPOSICIN DE MOTIVOS:

O Presidente da Xunta, Alberto Nnuez Feijo, anunciou a principios de novembro unha nova “Lei de Reactivacin econmica de Galicia”, argumentando a sa necesidade na procura dunha axilizacin dos trmites administrativos que ata o de agora veen sendo requiridos na creacin de empresas e que, segundo afirma, implican certos obstculos e solapamentos innecesarios, as como duplicidades legais e administrativas.

Concello de Lourenz

Prza. do Conde Santo-Vilanova , s/n, Lourenz. 27760 (Lugo). Tfno. 982121006. Fax: 982121506

Begoa Gonzlez Pedregal (1 para 2)
Secretara - Interventora
Data de Sinatura: 26/03/2021
HASH: 567121f86601f53738f59bc1f9c4a338

roco lopaz garca (2 para 2)
Alcaldea
Data de Sinatura: 26/03/2021
HASH: 3138d77e67743bc51523075352b99a94



Cod. Validacin: AWP3JHHDJXWV6Y7G3JNNXEH97 | Correccin: https://concelloelourenza.sedelectronica.gal/
Documento asinado electronicamente desde a plataforma xestiona esPublico | Pgina 1 a 4



Concello de Lourenzá

Chama a atención que fose o propio Feijóo , como presidente do goberno galego, quen impulsara con obxectivos ou fins similares, as actuais leis que agora semella considerar insatisfactorias.

A primeira delas foi a Lei 9/2013 do emprendemento e da competitividade económica, orixe de toda unha serie de normativas que apostan por facilitar a implantación de “calquera actividade con seguridade xurídica”. Esta lei, chegou a ser modificada en catro ocasións.

Apenas tiveron que pasar dous anos para que se aprobara unha nova Lei 1/2015 de garantía de calidade dos servizos públicos e da boa administración, coa que se colocaba o foco na axilización dos procedementos administrativos para que a “tramitación administrativa non fose un problema”, tal e como expresaba o mesmo Feijóo cando insistía de novo na necesidade de ofrecer ás empresas unha maior “seguridade xurídica” para instalarse en Galicia.

E outros dous anos máis tarde, aínda sería preciso aprobar unha última Lei 5/2017 de fomento da implantación de iniciativas empresariais, amplamente criticada, e popularmente coñecida como “Lei de depredación de Galicia”, coa que teimaba na procura de “seguridade xurídica”, e na constitución dun “marco normativo estable, predicible, integrado, claro e de certeza” para seguir apoiando ás empresas. Unha Lei que, en menos de tres anos, precisou ser modificada en tres ocasións.

Malia as consistentes ansias lexislativas que pretenden garantir a tan anhelada “seguridade xurídica, co anuncio desta nova lei de “reactivación”, o goberno galgo demostra non estar plenamente satisfeito, nin coa simplificación de trámites , nin coas facilidades concedidas ás empresas para instalarse no noso país. Tal é así, que o presidente volve a esgrimir compulsiva e obstinadamente os mesmos argumentos, como a “diminución da xestión burocrática da Administración pública autonómica”.

Tendo en conta os antecedentes do corpo lexislativo de Feijóo, e os efectos que teñen provocado no territorio galego, non sorprende que o tecido asociativo veciñal, ambientalista e social sospeite das intencións que motivan ao goberno da Xunta e do Partido Popular a levar adiante a súa propostas. Por todo o país, esténdese a desconfianza cara un goberno que, coa súa lexislación, procurou amparar proxecto de megaminería ou permitir a instalación de vertedoiros en núcleos rurais habitados.

Numerosos colectivos de base consideran que o auténtico propósito da Xunta é o de restrinxir, e mesmo eliminar, o dereito de acceso á documentación pública sobre determinadas iniciativas empresariais, social e ambientalmente agresivas, que ao Partido Popular tanto lle gusta amparar, cando non incentivar. Témesese polo tanto, que a aplicación desta Lei amplíe aínda máis a “barra libre”, que en grande parte existe xa hoxe, facilitando o desenvolvemento de proxecto en espazos agora abandonados e desprotexidos, como canteiras, para seren transformados en vertedoiros, ou para reactivar explotacións mineiras capaces de apropiarse e de esgotar os recursos todos, causando graves prexuízos á sociedade e o territorio. Un medo xustificable no marco do escurantismo e a opacidade cos que a Xunta está a tratar a chegada dos fondos europeos de reconstrución á Galicia, como evidencia o anuncio de máis de 100 proxectos dos que pouco o nada

Concello de Lourenzá

Prza. do Conde Santo-Vilanova , s/n, Lourenzá. 27760 (Lugo). Tfno. 982121006. Fax: 982121506



Cod. Validación: AWP3JHDXKWW6Y7G3JNNXEH87 | Corrección: <https://concellodeourenza.sedelectronica.gal/>
Documento asinado electronicamente desde a plataforma xestiona esPublico | Páxina 2 a 4



Concello de Lourenzá

se ten informado. Resulta inevitable deducir que esta nova lei ven reforzar a mesma estratexia , para axustarse aínda máis “a medida” dos intereses empresariais representados nestes proxectos.

Co pretexto da simplificación de trámites, semella que o presidente Feijóo trata de dar resposta ás esixencias das grandes corporacións antes que ás necesidades da poboación galega, como a saúde, a educación, ou mesmo un investimento empresarial rigoroso e efectivo. Baixo as habituais metáforas coas que bautizan as súas leis, disimulan intencións que, moitas veces, van xusto no sentido contrario ás estratexias da propia UE, como por exemplo, no investimento verde, que en Galicia, se sitúa claramente por baixo da media europea e do Estado. Tampouco resultan admisibles nin a opacidade que afecta á toma de decisións e aos criterios que se aplican no reparto, nin a ausencia do imprescindible debate público e informado, no que se deberían poder identificar os proxectos prioritarios para empregar eses fondos de reconstrución.

O xeito de camuflar os resultados das políticas de desenvolvemento económico non é novo. Porén, nin todo este armazón normativo, nin a propaganda da Xunta de Núñez Feijóo, son quen de ocultar a evidencia dos datos, que indican unha continua perda do peso económico de Galicia no conxunto do Estado. Fronte ao Norte de Portugal, continúan as deslocalizacións de empresas e a captación de capital estranxeiro non fai máis que baixar. E todo isto, non é mías que o resultado dunha política económica incapaz de aproveitar as potencialidades do país, que deixa fuxir valiosas oportunidades, e caracterízase polos recortes orzamentarios que destacan no ámbito do desenvolvemento económico, entre outros moitos, como se pode ver reflectido nos gráficos elaborados cos datos da propia administración galega.

Os colectivos e organizacións que apoiamos esta moción, entendemos que o pobo galego debe ser quen decida, de maneira máis plural e representativa, sobre a xestión e uso do seu patrimonio territorial, así como dos recursos financeiros dos que dispoña para activar a súa economía. Por iso, non podemos tolerar que o actual Goberno da Xunta , traizoando o mandado democrático que lle foi cedido pola cidadanía galega a través das urnas, e por un período de catro anos, hipoteque unha parte importante dese patrimonio territorial e desbalda os inxentes recursos financeiros Next Generation que virán para Galiza dende a Unión Europea, para beneficiar o negocio dunhas poucas empresas en detrimento do conxunto da cidadanía. Ben ao contrario, é a cidadanía a que debe dispoñer deses fondos para afrontar a recuperación dunha crise excepcional que ameaza os alicerces da nosa economía e dos nosos principais sectores produtivos, e tamén para prepararse adecuadamente perante os importantes desafíos que condicionarán a vida das xeracións futuras, como o cambio climático ou a inminente escaseza de petróleo e outros combustíbeis fósiles dos que a nosa sociedade é tan dependente.

Así pois, tendo en conta o anterior, solicítase aprobar o seguinte ACORDO:

A)INSTAR AO PARLAMENTO DE GALICIA A:

Concello de Lourenzá





Concello de Lourenzá

1.- Retirar a Lei de Simplificación Administrativa e Reactivación Económica tal e como está redactada, e redactar un novo texto de consenso entre os grupos políticos do Parlamento de Galicia, que garanta o cumprimento de todas as garantías ambientais e de transparencia e acceso á información pública sobre calquera iniciativa empresarial ou doutro tipo e en todas as normativas lexislativas futuras que se aproben.

2.- Aprobar un novo marco normativo para unha transición enerxética xusta e democrática, no que sexa garantida a participación pública, a participación cidadá e a preservación dos valores paisaxísticos, ambientais, sociais e culturais do territorio.

B) INSTAR Á XUNTA DE GALICIA A:

1.- Artellar fórmulas de participación para que a cidadanía á que se debe sexan quen decida que fai cos seus recursos territoriais e en que inviste os fondos Next Generation.

2.- Facer pública a composición do "comité de expertos" que lle asesora para o reparto dos fondos Next Generation, e ampliálo de maneira que a súa composición sexa o máis representativa posíbel da sociedade galega, incluíndo, ademais de representantes do sector industrial, tamén os doutros sectores coma o pesqueiro, o agrario, o forestal, as pemes, ONG`s, e todos os colectivos e organizacións dos movementos sociais que o requiran.

3.- Procurar que os investimentos dos fondos Next Generations para a reactivación económica respondan a criterios reais de sustentabilidade económica, social e ambiental, e sexan postos ao servizo do ben común e non dunha elite económica.

4.- Facer pública a relación de propostas que van ser financiadas cos fondos de reconstrución europea e os seus expedientes, así como os criterios de selección das mesmas e dar a posibilidade de sometelos a información e participación pública da cidadanía.

C) Dar conta deste acordo a todos os grupos con representación no Parlamento de Galicia así como ao tecido ambiental, social e veciñal do Concello.

SEGUNDO.- Achegar certificación do presente acordo ós órganos que se sinalan na mesma para o seu coñecemento e efectos oportunos.

TERCEIRO.- Facultar á Sra. Alcaldesa, D^a. Rocío López García para a sinatura de documentos e xestión de trámites que sexan necesarios para a execución do presente acordo.

E para que conste e surta os efectos oportunos, expídese a presente certificación de orde e co visto e praxe do Sra. Alcaldesa - Presidenta, D^a. Rocío López García, e coa advertencia do artigo 206 do Regulamento de Organización, Funcionamento e Réxime Xurídico das Entidades Locais aprobado por Real Decreto 2568/86 de 28 de novembro, en Lourenzá a vinte e seis de marzo do dous mil vinte e un.

V^o e pr.

A Alcaldesa-Presidenta,

A Secretaria-Interventora,

Documento asinado electronicamente en data ó marxe.

Concello de Lourenzá

Prza. do Conde Santo-Vilanova , s/n, Lourenzá. 27760 (Lugo). Tfno. 982121006. Fax: 982121506



Cod. Validación: AWP3JHHDJXWWS6Y7G3JUNXEH97 | Corrección: <https://concellodeourenza.sedelectronica.gal/>
Documento asinado electronicamente desde a plataforma xestiona esPublico | Páxina 4 a 4